

闖賊

明季寇亂湖南受害者無完區矣而自李自成延及降鎮惟黔陽先後蹂躪尤多視他所蓋以自成剽悍暴戾之雄實斃於此則克人未死以前其慘酷可勝言哉茲據明史紀事從甲申犯京師後亡於羅公山而止錄爲一條並類引各說異同以備攷證

明史紀事崇禎十六年三月乙未澧州土賊勾李自成陷常德常德富強甲湖南積粟支十年巡撫陳睿謨遇賊於郊先奔士民無固志賊遂陷之自是辰岳諸州相繼俱陷而雲貴路梗矣 又十七年丙戌李自成自稱帝卽位於武英殿僞磁侯劉宗敏扶創出平立不拜曰爾故我等夷也僞官皆拜宗敏不得已再拜而退丁亥昧爽李自成出彰義門西走先運薪水積宮內縱火發礮擊毀

黔陽縣志

卷第五十六

載記下

一

諸宮殿又燒九門雉樓火光燭天先是自成旣陷京師分命賊黨劉宗敏李過等拷掠諸巨室索金寶淫刑以逞勳戚大臣宦寺無得免者賊黨恃功縱恣自成亦不能制至是屢敗謀歸益急乃悉收其珍貨金帛而西軍無鬪志三桂望城中火作知賊走繞城而西追奔三十里賊馬騾俱重載日行數十里追兵至盡棄其輜重婦女自蘆溝至固安百里盜甲衣服盈路賊兵散去者又數萬大軍徐收所棄已逾數百戰賊旣得脫西走三桂復率大兵追賊至保定賊還兵而鬪奮擊破之又追破之於定州北奪其婦女二千獲輜重無算招降潰賊萬餘人自成屯真定旣屢敗憤極復勒精騎擊三桂三桂兵張兩翼以進擊斬其大將三人首萬級自成大敗還真定益發兵取三桂三桂接戰自辰至晡未決三桂分兵疊戰自成漸引却自成中流矢墜馬掖而騎馳還營卽拔營西走麋

故關入山西三桂以兵逐之及關而止遂還軍京師李自成自井  
陘西行至平陽分兵守山西諸隘益發關中兵西攻漢中陷之  
李自成復遣兵出潼關攻掠河南又遣降賊叛將馬科至四川略  
保甯一路 吳三桂追賊入山西時西部復攻臨洮甘肅以牽之  
自成數戰不勝遂棄山西走西安我 大清兵西發李自成合賊  
數十萬悉銳迎戰鐵騎衝堅而入賊披靡斬首數萬劉宗敏田見  
秀等俱死賊眾大潰棄西安走商雒丙子李自成棄陝以兵出  
潼關分軍為八營三道俱下南略地至襄鄧我 大清兵既定三  
秦下河南入楚取荆襄李自成南奔辰州將合張獻忠獻忠已入  
蜀遂留屯黔陽部賊亡大半然尙擁眾十餘萬乏食遣賊將四出  
抄掠黔陽四境雞犬皆盡川湖督何騰蛟進攻之自成營於羅公  
倚險築壑為久屯計勢彌蹙食盡逃者益眾自成自將輕騎抄掠

黔陽縣志 卷第五十六

載記下

二

何騰蛟伏兵邀之大敗殺傷幾盡自成以數十騎突走村落中求  
食村民皆築堡自守合圍伐鼓共擊之自成麾左右格鬪皆陷於  
淖眾擊之人馬俱斃村民不知為自成也截其首獻騰蛟驗之左  
驢傷鏃始知為自成李過聞自成死勒兵隨赴僅奪其屍滅一村  
而還結草為首以衮冕葬之羅公山下賊諸將奉李過為首改名  
李繡渡湖入險山中後改名李赤心羣盜俱散亡

附考 綏史乙酉四月李自成過

通城命四十一部先發嚴行無敢返顧者通城有九宮山一名羅  
公山山有元帝廟山民賽會以盟謀捍衛閭井自成止以二十騎  
殿又呵其二十騎止於山下而自以單騎登山入廟見帝像伏謁  
若有物擊之者不能起村人疑以為劫盜取所荷鋪碎其首既斃  
而腰下見金印且有非常衣服大駭從山後逃去二十騎訝久不  
出迹而求之則已血肉繹分矣 按明季遺聞云病死羅公山下  
紀事本末云闖出抄糧為田夫所逐陷淖中割其首獻何騰蛟驗  
之乃闖也 又聖武記順治二年正月自成為豫王英王三桂軍  
逼遂棄關遁回西安守關賊馬世堯以眾七千降遂克潼關越二  
日至西安賊已先五日焚宮室由藍田出武關走湖廣 命豫  
王移師征江南以流賊付英王及三桂追勦時賊尙三十餘萬聲  
言欲取南京我兵水陸躡其後於江北之鄧州承天德安江南之

武昌九江破賊者七閏六月賊晨起離其大隊以千餘騎入禱九宮山為鄉民所鋤餘眾尚二十餘萬降明總督何騰蛟霧海隨筆何璘澧州志言闖賊不死逃澧州石門之夾山為僧其墳尚在書奉天王和尚之碑卒於康熙甲寅二月遺像賜自鳩鼻惡不可言

按各說皆武斷九宮山為羅公山而不知黔陽之專有是名且其山之險阻高深綿亘數邑也至於澧州所志闖賊實不死克人不終命之謂何況米脂已嚮之肉猶飾以金剛不壞之身是將使天下後世首逆窮究得託口於英雄末路也不亦異乎紀事一書成於順治時固明言黔陽矣東華錄聖武記皆在其後豈未之詳攷耶

流寇

順治元年八月明福王命加何騰蛟兵部右侍郎兼巡撫湖南

按偏沅巡撫也先是崇禎十六年騰蛟拜右僉都御史代王聚奎巡撫湖南尋以故官總督湖廣四川雲

黔陽縣志 卷第五十六

載記下

三

南貴州廣西軍務明年左良玉舉兵反劫騰蛟偕行置之別舟騰

蛟躍入江水漂十餘里漁舟救之起乃從甯州轉瀏陽抵長沙集

諸屬吏等盟誓令傳上瑞攝湖南巡撫明史傳上瑞為武昌推官賊圍城遁走冬騰蛟薦為

長沙僉事又令攝偏沅巡撫事遣章曠調副將黃朝宣張先壁劉承允兵朝宣自

燕子窩張先壁自激浦承允自武岡先後至五月

大兵下南都明唐王自立於福州李自成斃於九宮山其將劉體

仁郝搖旂等以眾無主歸騰蛟招其黨袁宗第蘭養成王進才牛

有勇皆來歸驟兵十餘萬未幾自成將李錦高必正擁眾數十萬

通常德騰蛟令堵允錫撫降之置之荊州唐王拜騰蛟東閣大學

士兼兵部尚書定興伯仍督師令規取江西及南都當是時降卒

既眾騰蛟即以舊軍參之乃題授朝宣先壁為總兵官與承允亦

心錦即李郝永忠即搖宗第進才及董英馬進忠馬士秀曹志建王

允成盧鼎並開鎮湖南此所謂十三鎮者也按明史傳上瑞勸騰蛟設十三鎮卒為湖

南大騰蛟銳意東下明年正月與監軍御史李膺品先赴湘陰期

大會岳州先壁逗遛諸鎮亦觀望獨赤心自湖北至為

大兵所敗而還諸鎮兵遂罷五月

大兵破汀州聿鍵被執死騰蛟厲兵保境如平時已聞永明立乃

稍自安明史何騰蛟傳按沅州志順治二年張先壁奔至沅抵

七里紅巖山潰卒殺團兵百餘駐城兩月復返衡永以明

史考之是年先壁以副將守澱浦蓋潰順治四年張先壁復來踞

沅州沅遭荼毒甚慘八月

大兵克沅州傅上瑞出降踰年與劉承允並誅死府朱志稿明末

亂順治四年恭順懷順智順三貝勒總師進順治五年五月靖州

才據羅翁出掠供洪子第石太諸里為墟袁宗道張光萃據泆水

黔陽縣志卷第五十六載記下四

出掠原神附城諸里悉遭屠戮順治六年王進才馬進忠高必正

李赤心等剽掠沅靖一帶按明史堵允錫傳順治五年金聲桓李

成棟叛我大清以江西廣東附永明

王於是馬進忠王進才曹志建李赤心高必正等乘間取常德

源澧州臨武藍山道州靖州荆州宜城諸州縣進忠赤心必正皆

封公允錫與進忠有隙令赤心必正爭進忠所取常德進忠盡焚

廬舍而去赤心等棄空城引而東所至守將皆燒營棄城走湖南

已復州縣為一空允錫亦率赤心等入湘潭六年騰蛟在湘潭被

執諸軍遂散赤心等走廣西緣途掠衡永郴桂皆前後數年事各

志所載互異明史亦概言之然沅州志謂彼時城郭荆棘虎狼入

市庚寅辛卯二年人絕田荒石穀直白銀三四兩所餘之民日噉

草根木皮以活可以順治九年二月孫可望謀內犯使馬進忠由

知當日之慘毒矣鎮遠出沅州會於武岡以圖桂林十一月可望來據辰沅一帶僭

十五年三月太保經略洪承疇奉

命進討時巡撫袁廓宇亦率四將軍自衡來會師州境始定府朱

志稿順治九年偽秦王孫可望據辰沅一帶改沅州為黔興府以州治

為興沅縣附郭領一州九縣曰靖州曰興沅曰黔陽曰麻陽曰通

道曰會同曰綏寧曰天柱曰清浪曰平溪十五年可望為李定國所敗經略洪承疇因招可望以逼定國可望歸順袁廓宇沅州遷學序順治十五年命經略進討予駐幕府於衡亦率四將軍從寶慶而西直衝賊之中堅暮春會師沅州城下始克剪滅羣寇恢復舊疆再入版圖○志

滇逆

康熙十二年十二月二十一日吳三桂叛於雲南十三年二月三

桂率眾數十萬至沅州於是湖南郡縣多陷逆據衡陽十六年逆

僭號於衡州署偽職苛政橫行繼以四路潰卒沿途剽殺凡七載

蹂躪甚慘城郭為墟田廬盡棄人戶逃竄幾絕惠棟精華錄注康熙十二年冬逆賊

吳三桂據雲南反甲寅稱帝於衡州四方從逆待則有靖南王耿

精忠平南王尚之孝廣西將軍孫延齡陝西提督王輔臣湖州總

兵劉進忠四川提督鄭蛟麟雲南總兵馬寶四川總兵譚宏襄陽

總兵楊來嘉等聚眾蠶起望風歸附又王士禎蠶尾續文三藩者

吳三桂耿仲明尚可喜三人皆故明將本朝皆以功封王三桂王

滇為平西仲明王闔為靖南可喜王粵為平南而可喜長子之信

克悍有才略以計令左右風可喜請老而歸王位於之信既

得位益肆狂悖可喜不能堪用客金光計上書願歸耕遼陽以避

黔陽縣志

卷第五十六

載記下

五

之信既廷議令之信同徙金光等遂諷之信復歸位其父而朝議

令平西靖南兩王質子風其父如平南於是平西王吳三桂遂稱

兵反事聞朝廷馳使止平南靖南俾勿遷時三桂之使日夕在

二王所懲忠二王反當是時靖南王仲明暨子繼茂已前死孫精

封親王督撫以下皆聽節制顧金光者居中用事為可喜草密奏

疏發之信罪狀請以次子之孝為世嗣之信積不平甲寅劉進忠

孫延齡相繼反六月延齡陷梧州明年高州之難作未半載之信

遂劫父叛降三桂可喜以憂死又漁洋文略滇逆發難乘荆五

溪之險衝岳旁煽諸蠻江漢洞庭風奔逸賊遂踞有湖南六部二州

薦食荆岳旁煽諸蠻江漢洞庭風奔逸賊遂踞有湖南六部二州

三叛師狼顧競起乘間抵隙膠牢固結迭相唱和衡永之間直其

要衝井堙木康熙十九年王師大舉討吳世璠綏遠將軍湖廣總

刊城郭為墟督蔡毓榮將兵六萬屯沅州分二路進兵一自沅州達偏橋鎮遠

一自麻陽達銅仁思南抵滇南大破之逆藩平疆土盡復人民以

安陸世楷思州府志略康熙十九年偽將軍王會敗兵過城大掠

偽經歷謝恩綸赴沅州獻餉投誠又惠棟精華錄注康熙二十年

冬大將軍貝子章泰緩遠將軍總督蔡毓榮等率師進攻雲南城

中食盡逆賊偽洪化吳世璠及三桂婿郭壯圖俱自殺逆黨方

琛李本深馬寶胡國柱夏國相巴養元趙國佐等以次伏誅雲南

平時十月二十九日也又韓葵平定三逆方略序滇道吳三桂肯  
恩反叛閩逆耿精忠粵逆尙之信相繼煽亂生民荼毒奄及八年  
當是時克渠陸梁鴟張豕突醜類蔓延蜂屯蟻聚仰荷天威  
赫濯六師四征戰守機宜悉從指授三方竊據次第削平三桂窮  
蹙首伏冥殛精忠之信既降復謀叛先後皆伏誅獨三桂孫世璠  
猶困守一隅遺誅逆命至康熙二十年冬十月大兵平雲南世璠  
授首十一月露布至京上命宣捷午門擇日告郊廟社稷復舊  
躬詣列祖山陵念中外軍民勞苦德音誕敷洪恩沾被

### 粵逆

粵逆之亂蹂躪至十六省自來寇賊猖獗未有若此之甚者也賴  
國家師武臣力卒克削除事不勝書茲就有關邑事者紀之咸豐  
二年粵逆初竄湖南惟辰永沅靖賊蹤未至其明年二月逆首洪  
秀全踞金陵僭號連年分遣上竄四年陷常德掠近辰龍關旋遁  
去五年邑始以防苗爲事兵餉交籌無虛歲矣詳苗防九年劇賊石  
達開自江西竄入圍攻寶慶武岡各城黔邑界武岡民大恐知縣  
黃杰以知兵聞嚴防要隘而各鄰邑邊隘皆有官兵守禦會李續

### 黔陽縣志

#### 卷第五十六

載記下

六

宜觀察自湖北入援大破賊於寶慶城下餘眾走歸粵西八月撤  
防十年九月石達開自粵驅其會黨彭李譚龐四姓賊於二十七  
至綏甯屬之麻龍塘二十九日至臨口三十日趨杉木坳犯綏甯  
城陷之又擄舟黃家坪獲諜者知將由洪江下竄沿邊告警洪江  
會屬界邑腹地其上游馬蹏坡由綏甯入城水陸要害也黃杰率  
邑紳向正南馳會水師參將周喜元把總徐順清辦釐委員陳萃  
立駐營防堵而石橋司巡檢吳秉慈與邑紳伍江龍捐資募勇百  
名協守城廂賊難其有備遂以十月初四日竄城步杰始回城初  
七日賊自梅口出蔡家坪圍武岡分掠高沙市界邑尤近乃委邑  
人黃在煥蔣旺喜防木古界初十日委吳秉慈率伍江龍由托口  
移駐狗羣巖又移向正南協防之移署把總詹榮科托口外委程  
貽誥防雪坡滾馬移劉永明駐馬鞍山十三四兩日賊連敗於武

岡十九日參將周洪印由邑之中方赴武岡二十日守備葉有文  
由邑下駐洪江賊走新甯旋竄東安十一月撤防十一年三月荔  
波魚逆與其黨吳家順楊光義自黎平竄至藕園團周戈二軍失  
利由平茶退屯靖州城洪市大恐靖州張牧以書星夜抵縣求援  
十二日賊至靖州北門又分竄黃壇汛及敦寨皆會同地是日參將熊  
興柏屯連山鎮標李廷珍駐會同瓦窰十三日署鎮箠道陸傳應  
撥吳守自烈以千人至洪江並請保護軍督眾援靖十四日知縣  
黃杰委把總詹榮科援靖十五日杰親防托口委邑紳高朝棟同  
易堯龍分防堡子脚馬鞍山江西市一帶伍江龍向正南協防馬  
蹏坡十五日杰自往洪江督防上憲嘉其不分畛域甚得要領十  
六日賊竄通道杰乃以援靖之勇添防若水馬蹏坡等處二十一  
日陸傳應駐營洪江四月賊遁回粵九月尋匪李宰甫結連石達

開由廣西融縣竄踞東山二十三日至綏甯屬青林界延長安堡  
麻龍等處先是副將周洪印知府戈鑑兩軍屯青林以賊盛不敵  
退保靖州分布綏甯通道各邊隘知縣黃杰委向正南防馬蹏坡  
張寶樹防冷水井亦會同地蔣日新易堯龍彭開來防托口與芷江勇  
合三十日杰自馳赴洪江會防十月十四日署兵備道兆琛駐兵  
洪江巡撫毛鴻賓 奏請新署貴州撫臣江忠義留辦湖南軍務  
並檄辰州水師總鎮劉培元分兵上援乃遣永清後營黃席珍率  
舟師駐洪江以前後哨分防黔陽城十九日江忠義自武岡統精  
捷營赴洪江是日會同陷明日杰疾馳回縣加委楊耀輝張連陞  
協同易堯龍嚴守馬鞍山二十四日賊竄堡子脚圍龍勇兆琛募邑  
馬鞍山隘勇往援不利二十五日龍勇敗入隘口屯城對岸賊遂  
撲馬鞍山二十六日隘勇退屯江西市二十八日賊目李宰甫分

二隊一由會屬廣平一由堡子脚時托口局紳金宗義鄧才選新募千餘人交趙爲春張多蔭分紮波溪口桃子坳爲堵禦計賊大至遂潰其屯江西市者亦退歸縣城初二日賊掩至城西南岸勢甚囂自龍陽洲以上盡爲所掠其紅蓮坪村團老幼屠棄山谷壯者械繫賊中受害最慘賊大隊駐紅巖山遣其黨於撫沅兩岸搭造浮橋初三日城勇出拆浮橋被賊擊轉是夜賊渡北岸會大霧瀰漫惟聞城上金鼓礮石聲雷轟霆擊賊鋒少斂初四日黎明霧散三面攻城杰命紳弁登陴固守而自與其幼子並勇屬朱得貴楊起鳳等率眾出東門邀賊於演武廳朱得貴戰死賊稍却乘勢力追四城呼聲動地賊望見黑旗兵密布城上不敢還撲時城上固無黑旗也按自賊中逃歸者云云人謂有神庇見三王廟及劉三將軍祠事蹟北竄二十里大掠煙溪一帶居民多遭焚戮初七日援師大集和字營副將趙福元

黔陽縣志

卷第五十六

載記下

督勇先至遇賊於栗坳背爲所乘勇多折損旋與總鎮王永章周達武知府席寶田副將朱升開及周戈二軍會師進剿賊由雙溪舖敗走芷地榆樹灣又敗之於浦市遂竄永順由來鳳入川是役也人謂非邑令之力城必不守邑人楊大誦詩云妖鳥連山撲誰捉殺賊戈驚魂招草木戰血漬巖

阿石勒全軍却黃瓊偉績多男兒思報國一劍幾摩挲此外邑紳弁楊昌健高朝棟張寶樹

張連升楊學薰易堯龍皆以功保舉有差同治二年八月粵逆經

川兵剿散其餘黨李復猷自麻陽高村突竄芷江榆樹灣遂入縣

西北中方船溪豐坡等處所在焚掠擄殺甚慘時和字各營防禦

城外賊不敢窺乃南竄托口清水河俗呼江爲河藉木筏爲橋竄會同

遁入粵西又先年粵東奸民聚黨於西南岸沿江上下擄掠難民

子女入舟載往他處鬻賣并掠及山僻良家鄉村莫敢誰何知縣

黃杰以計禽斬之害除縣冊



附土寇

邑界靖屬黔邊所在教匪包藏禍心潛伏山澤或狙伺行劫及煽  
 惑游民為奸往往波及邑中咸豐初元以來屢經有司訪緝置法  
 至知縣黃杰嚴加懲治內訌漸清而鄰邑之為害者不時竊發同  
 治二年三月初一日土匪包毛先嘯聚黨羽盤踞芷地帽子山經  
 官軍剿敗竄至麻池寨芷黔交界地特險為壘希圖負固時各路官軍  
 漸集知縣榮懷珍委邑紳唐學炳向正南率縣屬楊起鳳等作前  
 後隊進剿狗羣巖後路至黃板橋遇賊擊敗之賊斂眾堅守寨柵  
 遂會同都司楊洪明進逼寨側為犄角勢洪明營馬頸坳邑團紳  
 勇營巖腦寨四月初一日洪明以大礮衝開狗羣巖賊隘冒險直  
 入邑勇由小路穿入賊巢會激浦提督武明良徑由前寨攻入而  
 周洪印戈鑑兩軍亦抵山頂賊墜巖死者無算餘皆殲焉是役賊  
 黔陽縣志 卷第五十六 載記下 九  
 起事以三月初一至四月初一日剿絕實賴官軍神速團眾協心  
 故功捷而害遽平也縣冊

